

胸部心膈氣不促促

痔腸便血心痛下血陰腎

男陰癰疔遺精濁症癰淋

萬方新編壬集第九卷目錄

中部

心痛門

腋氣門

胸脇門

腹痛門

腰痛門

肩背門

手臂門

諸蟲門

萬方新編壬集卷九

中部

心痛門

卒患心痛

畫地作王字撮取中央土水
和一升服良 陳藏器本草

卒心氣痛

鎔墨一錢熱小便
調下 千金方

中惡心痛

鎔墨一錢鹽一錢研勻熱
水一盃調下 千金方

卒患心痛

嚼菖蒲一二寸熟
湯或酒送下亦效

卒心氣痛

粳米一升水六升煮
六七沸服 肘後方

卒心急痛

牙關緊閉欲死以老葱白五莖去皮鬚擣
膏以匙送入咽中灌以麻油四兩但得下

萬方新編

卷九心痛

咽即甦少頃蟲積皆化黃水而下
永不再發累得救人
瑞竹堂方

心下急痛

桑耳燒存性熱酒
服二錢 集簡方

卒然心痛

桃仁七枚去皮尖研爛
水一合服之 肘後方

卒得心痛

東引桃枝一把切以酒一升
煎半升頓服大效 肘後方

卒急心疼

海上方 云一箇烏梅二箇棗七枚杏仁
一處搗男酒女酢送下之不害心疼值到

暴心氣痛

公丁香末酒服
一錢 肘後方

卒然心痛

或經年頻發安息香研末沸
湯服半錢 危氏得效方

卒心痛刺

郁李仁三七枚嚼爛以新汲水或溫湯下
須臾痛止卻呷薄荷鹽湯 姚和至寶方

卒忽心痛

三年頭巾沸湯淋汁飲之以盥覆
巾于閑地周時即愈 聖惠方

卒暴心痛

五靈脂炒一錢半乾薑炮三分為末熱酒服立愈

事林廣記 忌人參

心腹冷痛

男子病令女人取水一杯飲之

肘後方

冷氣心痛

辰沙三分五靈脂一分為末稀糊丸麻子大每服二十九食前石菖蒲生薑湯下○

直指方

○以布裹椒安痛處用熨斗熨令椒出汗即止

孫真入方

○三奈丁香當歸甘草等分為末酢糊丸梧子大每服三十九酒下

集簡方

心腹冷痛

胡椒三七粒清酒吞之或云一歲一粒

孟詵食療

○吳茱萸二錢搗爛以酒一鍾調之用香油一杯入鍋煎熱傾茱酒入鍋煎一滾取

服立止

唐

瑤經驗方

冷熱氣痛

不和者山梔子川烏頭等分生研爲末酒糊丸梧子大每服十五丸生薑湯下小腸

氣痛加炒茴香蔥酒下

二十九

王氏博濟方

冷心氣痛

乳香一粒胡椒四十九粒研入薑汁熱酒調服潘氏經驗方

冷氣心痛

桃仁二兩去皮水研絞汁入膏梁米四合煮粥常食養老書

○又方用燒酒入飛鹽飲卽止

冷蟲心痛

川椒四兩炒出汗酒一盃淋之服酒壽域神方

心痛解熱

白蘘根野豬尾二味洗去粗皮焙乾等分搗篩酒服一錢甚效黔人用之蘇頌圖

經本草

心口熱痛

薑汁調青黛一錢服之醫學正傳

冷熱心痛

伏龍肝末方寸匕熱以水溫飲冷以酒服外臺祕要

卒熱心痛

黃連八錢吹咀水煎熱服外臺祕要

○又方生麻油一合服之良肘後方

寒厥心痛

及小腸膀胱痛不可忍者神沙一錢熟附子去皮鬱金橘紅各一兩爲末酢麪糊丸

如酸棗大朱沙爲衣每服一丸男子酒下女入酢湯下宣明方

熱厥心痛

或發或止久不愈身熱足寒者用玄胡索金鈴子肉等分爲末每溫酒下或白湯下

二錢○

聖惠方

○不可忍者鬱金附子乾薑等分爲末酢糊丸梧子大朱沙爲衣每服三十丸男用酒女用酢送下奇效方

心脾冷痛

高良薑丸用高良薑四兩切片分作四分一兩用陳廩米半合炒黃去米一兩用陳壁土半兩炒黃去土一兩用巴豆三十四箇炒黃去豆一兩斑蝥三十四箇炒黃去蝥吳茱萸一兩酒浸一夜同薑再炒爲末以浸茱酒打糊丸梧子大每空心薑湯下五十丸

○永類鈴方用高良薑三錢五靈脂六錢爲末每服三錢酢湯調下

心脾冷痛

暖胃消痰三薑丸用軍薑良薑生薑等分炮研末糊丸梧子大每食後豬皮湯下三十丸和

劑局方

○痛如錐刀刺腹脹用芬蔥花一升同吳茱萸一升水八合煎七合去滓分三服立效出崔元亮方

○白艾水沸湯服二錢
衛生易簡方

心脾作痛

雞心檳榔高良薑各一錢半陳米百粒同以水煎服之
直指方

心脾胃痛

荆穆王妃胡氏因食菽麥麪着怒遂病胃脘當心痛不可忍醫用吐下行氣化滯諸藥皆入口卽吐不能奏功大便三日不通

因思雷公炮炙論云心痛欲死速覓玄胡

乃以玄胡末二錢溫湯調下卽

納入少頃大便秘行而痛遂止

心脾氣痛

白雲霞方外奇方云凡人胸膈輒處一點痛者多因氣及寒起或致終身或子母相

傳俗言心氣痛非也乃胃脘有滯爾惟此

獨步散治之甚妙香附米酢浸略炒爲末

高良薑酒洗七次略炒爲末俱各封收因

寒者薑二錢附一錢因氣者附二錢薑一

錢因氣與寒者各等分和勻以熱米湯入

薑汁一匙鹽一捻調下立止不過七八次

除根

心脾氣痛

不止者水甲散主之用田羸殼溪澗者亦可以松柴片層層疊上燒過火吹去松灰

取殼研末以烏沉湯寬中散之類調服二錢不傳之妙 集要

○氣實有痰者牡蠣煨粉酒服二錢 丹溪心法

心脾疼痛

時珍曰鬱金入心專治血分之病薑黃入脾兼治血中之氣遞入肝治氣中之血稍

為不同按王執中資生經云執中久患心脾疼服醒脾藥反脹用蓄域所載蓬莪朮

麴裹炮熟研末以水與酒酢煎服立愈蓋此藥能破氣中之血也

心氣刺痛

自然銅火煨酢淬九次研末酢調一字服立止 衛生易簡方

諸心氣痛

儒門事親方用生白礬一阜子大酢一盞煎七分服即止

心氣疼痛

○確真人方用明礬一兩燒朱沙一錢金箔三箇為末每服一錢半空心白湯下
白芨石榴皮各二錢為末煉蜜丸黃豆大每服三丸艾酢湯下 生生編

○用高粱根煎湯溫服之甚效

心氣疼痛

○綠豆二十一粒胡椒十四粒同研白湯調服立止
不問遠近以山羊糞七枚油頭髮一團燒灰酒服除根 孫氏集效方

○真蛤粉炒過白佐以香附末等分白湯淬服立止 聖惠方

○雞子一枚打破酢二合調服 肘後方

心氣刺痛

青木香一兩皂角炙一兩為末燭丸梧桐子大每湯服五十丸甚效 攝生方

○當歸為末酒服方寸匕必效方

心氣疔痛

水荭花爲末卽大蓼子熱酒服二錢又法男用水酒各半煎服女用酢水各半煎服

一婦年三十病此服立止摘玄方

心氣卒痛

乾薑末米飲服錢外臺祕要

心痛不止

敗筆頭三箇燒灰熱水服立效經驗方

男婦心痛

朱沙明礬枯等分爲末沸湯調服摘玄方

一切心痛

大老芎一箇爲末燒酒服之一箇住一年兩箇住二年孫氏集效方

大實心痛

已用利藥用此徹其毒好木半兩蒼朮一兩作二服水二鍾煎一鍾服活法機要

心痛難忍

薑黃一兩肉桂三兩爲末酢湯服二錢經驗方

一切心痛

不拘大小男女用大馬兜鈴一箇燈上燒存性爲末溫酒服立效摘玄方

男婦心痛

不可忍者晚蠶沙一兩滾湯淘過
濾淨取清水服即止 瑞竹堂方

急心氣痛

五十年陳壁上枯礬二錢為
末蜜丸艾湯服 集玄方

○古文錢一箇打碎大核桃三箇同
炒熟入酢一盃沖服 楊誠經驗方

○核桃一箇棗子一枚去核夾桃紙裹煨
熟以生薑湯一鍾細嚼送下永不發名

蓋落湯○
趙氏經驗

○用黃蠟燈上燒化丸芡子
大百草霜為衣并水下三丸

○豬心一枚每歲入胡
椒一粒同鹽酒煮食

婦人心痛

急者好官粉為末葱汁和丸小豆大每服
七丸黃酒送下即止粉能殺蟲葱能透氣

故也 邵
真方

妊娠心痛

煩悶麻子仁一合研水二盃煎六分去滓服聖惠

產後心痛

惡血中心氣悶欲絕桂心爲末狗膽汁爲丸芡子大每熱酒服一丸聖惠方

婦人血氣

心痛數年不愈一醫用人言半分煨茶末一分白湯調下吐瘀血一塊而愈得日華

子治婦人血氣心痛之旨乎

血逆心痛

生蒜搗汁服二升卽愈肘後方

心腹諸痛

艾附丸治男女心氣痛腹痛少腹痛血氣痛不可忍者香附子三兩蘄艾葉半兩以

酢湯同煮熟去艾炒爲末米酢糊丸梧子大每白湯服五十丸集簡方

心腹作痛

紅麴香附乳香等分爲末酒服摘玄方

心腹積痛

三月三日采桃花曬乾杵末以水服二錢匕良孟詵食療本草

心疼腹痛

五倍子生研末每服一錢鐵杓內炒起烟
黑色者為度以好酒一鍾傾入杓內服之

立止 邵真

人經驗方

心腹諸疾

三物備急丸治心腹諸疾卒暴百病用大
黃巴豆乾薑各一兩搗篩蜜和搗一千杵

丸小豆大每服三丸凡中卒容忤心腹脹
滿痛如錐刀氣急口噤停尸卒死者以暖
水或酒服之或灌之未知更服三丸腹中
鳴轉當吐下便愈若口已噤者折齒灌之
入喉即瘥此乃仲景方司空斐秀
改為散用不及丸也 圖經本草

心腹惡氣

艾葉搗汁飲
之藥性論

心腹結氣

杏仁桂枝橘皮訶子肉等分為丸每
服三十丸白湯下無忌 孟詵食療

心腹氣痛

烏藥水磨濃汁一盞入陳皮
一片蘇一葉煎服 集簡方

萬方新編

卷之心痛

痞塊心痛

殭蠶末二錢白馬尿調服並傳塊上摘玄方

心痛吐水

不下飲食發止不定雌黃二兩酢二斤浸火煎成膏用乾蒸餅和丸梧子大每服七

丸薑湯下

○聖惠方

心痛徹背

赤石脂乾薑蜀椒各四分附子炮二分烏頭炮一分爲末蜜丸梧子大先食服一九

不在稍增之○

張仲景金匱方

胸痺心痛

逆氣膈中飲食不下小草丸用小草桂心乾薑細辛蜀椒出汗各三兩附子二分炮

六物搗篩蜜和丸梧子大先食米汁下三

丸日三服不知稍增以知爲度忌豬肉冷

水生葱菜○

范汪東陽方

中惡心痛

或連腰臍鹽如雞子大青布裏燒赤納酒中頓服當吐惡物愈甄權藥性論